


**AWIG - AWIG**  
**DESA PAKRAMAN**  
**BEBAYU**



## MURDA WAKYA

OM SWASTYASTU

OM AWIGNAM ASTU NAMO SIDHAM

Purwa pangastun karan titiang krama Desa Bebayu ring buk padan Ida Sanghyang Widhi Wasa sangkan paraning dumadi, Bhatara-Bhatari sane malingga ring Pura puseh Bebayu minakadi Pura Kahyangan sami sane wenten sajroning wawengkon Desa bebayu dwaning melarapan saking kertha wara nugraha Paduka Batara samudhaya karya puniki kasidha puput.

Kaping kalih katur angayubagian titiang krama Desa Bebayu pinghajeng ring ida Dane Para Panglingsir, keliang, pemangku, minakadi ida dane sang meraga cestakara widagda pradnyan wicaksana sareng sami, sane sampun sangkaning sweca ledang sareng mapawangun ngripta uger-uger marupa awig-awig Desa Pakraman Bebayu puniki, pacang kanggen sipat siku-siku sajeroning desa kantos kaungkur wekas.

Taler majeng ring Pemerintah Daerah Kabupaten Karangasem, para manggala sane wastika ngiwang patutang awig-awig, titiang ngaturang pangayu bagya, duaning sampun kasiddhan nureksa, maritetes saha wastika, kantos marupa puput.

Mungging dagingipun manut Tri Hita Karana. Indik Kahyangan genah ngadisthana Ida Sanghyang Parama Wisesa, indik pawongan pinaka krama desa, indik palemahan punika wawidangan wawengkon desa, mebantang antuk lekita sastra agama, sesana, paswara, dresta minakadi sane sawosan, sane hanut ring pemargin dharma agama kalih dharma negara dumadak kasiddhan memanguhang kajadhdhitan sekala niskala.

OM SANTI, SANTI, SANTI OM

**PRATAMAS SARGAH  
HARAN LAN WAWIDANGAN DESA**

**Pawos 1**

1. Desa puniki mawasta "Desa Pakraman Bebayu" selantur ipun kinucap kalih kasuratang sajroning lekita Desa Pekraman Bebayu.
2. Wawengkon Prahumyan Desa Pekraman Bebayu mawaneng nyatur desa, manut sekadi kinucap ring sor puniki :
  - ha. sisi wetan utawi kangin : segara
  - na. sisi kidul utawi kelod : tukad besi
  - ca. sisi kulon utawi kawuh : culik
  - ra. Sisi lor utawi kaler : peselatan kawan.
3. Nanging manut dresta :

wates pchumiannya sekadi munggah ring sor Gedong malih mabiteh, sada nyemah, mangelor, sada mangetan mangulon nyujur mewasta ring tenten sajeng, kulonnya gumin Desa datah, muang gumin culik, muang saking tenten sajeng beneng nuwut margi agung, ngeraris kepisah beneng, mewasta ring teruna ika watese, lor margi paselatan kidulnia Gumin Bebayu.

Saking truna mengidul, nemugelang ring pakemitan/setra.
4. Sajeroning wewengkon desa pakraman Bebayu wenten banjar mawasta Banjar Bebayu.

**DWITYAS SARGAH  
PIKUKUH LAN PATITIS TATUJON**

**Pawos 2**

Maka pikukuh Desa Pakraman bebayu ngarajegang, mikukuhin, kalih mitidihin pisan :

1. Pancasila
2. Undang-undang Dasar 1945
3. Tri Hita Karana.

**Pawos 3**

Desa Pakraman Bebayu ngemanggehang patitis tatujon lwir ipun :

1. Ngutamayang tata cara ma agama Hindu
2. Ngawangunang katreptian sajroning Desa Pekraman, mangda kasidhan rajeg katreptyaning praja.
3. Ngawerdiyng kawicaksanan minakadi kapradnyanan maka larapan gumawe genah landuhing praja.

4. Ngamanggehang kalih ngawerediyang druweyaning desa, majalaran kawicaksanaan guna laksana manut Dharma Prawreti.
5. Ngarajégang Dharma Agama miwah Dharma Negara.

**TRİYAS SARGAH**  
**SUKERTA TATA PAKRAMAN**

**Palet 1**

**Indik krama**

**Pawos 4**

1. Sane kasinanggeh krama Desa Pakraman Bebayu Iwire.
  - ha. Sang sapasire nugi jenek magenah ring wawengkon Desa pakraman Bebayu lintang ring Pasasur dina utawi 35 dina, sane rajeg maagama Hindu.
  - na. Sang sapasira nugi wed saking desa pakraman bebayu jenek magehang ring dura desa liwaring desa bebayu nanging kantong mipil ring banjar utawi ring desa pakraman bebayu sane mula pagenahannya nguni.
2. Papalihan krama, kadi hinucap ring sor puniki :
  - na. Krama ngarep mawed : krama desa sane bulangkep, wed saking desa pekraman bebayu sane sampun mipil ring Banjar utawi ring desa Pakraman Bebayu saha matata turuna cumek maayahan sawrah arih.
  - na. Krama ngarep/sesabu, inggih punika krama desa sane mawit saking dura desa liwaring desa pekraman bebayu jenek magenah ngawengku karang magunakaya, matata turun cumek, mapayahan seurah arih ring desa Pekraman Bebayu.
  - ca. Deha teruna. krama desa sane durung mipil ring banjar utawi ring desa Pakraman bebayu sekadi truna truni sane kantong kukulub antuk krama marep lan krama tamyu.
    - na. krama nyada, krama desa sane sampun tan keni ayahan lan papeson luwire :
      - 1) Sangkaning mapinunas ngaraga tur sampun kalugra antuk prajuru desa.
      - 2) Mabukti sungkan rahat tur tan siddha waras.
      - 3) Antuk lingsir tan siddha maayahan sesampun meyusa 70 warsa.
      - 4) Sangkaning kacundulan.
  - ka, Krama Balu, krama desa lanang wiyadin istri, sane katinggal seda antuk rabinnya, krama desa lanang kakawonin nyapian antuk rabine. Wenten balu campuit wenten bali masentara.

da, krama ring Dura Desa : sang sapisira hugi wed saking desa Pakraman bebayu jenek magenah ring dura desa liwaring desa Pakraman bebayu nanging manggeh mipil ring banjar utawi ring desa Pakraman bebayu sane mula pagenahannya nguni.

ta, krama tamyu inggih punika sang sapa sira nugi wed saking dura desa liwaring desa bebayu jenek magenah ring wawengon desa pakraman bebayu tan ngawengku karang pomahan, madadunung ring pomahaning krama desa, magenah ring pomahan druwen guru wisesa, hotel miwah salwir ipun, makekubon ngenahin tegal nanging kari manggeh makrama desa ring kamulan desanya, kabuktiyang antuk surat sasinahan saking kliyang desanya.

3. Tamyu : sang sapisira hugi rawuh ka jroning desa pakraman bebayu nanging tan nekeh magenah irika, sang sane nerima tamyu punika patut matur supeksa ring prajuru desa, kalih ring sang amawerat, yan tan asapunika, prajuru desa wenang nundung jatma hinucap mangda matinggal saking desa bebayu.

#### Pawos 5.

Ngawit tedun makrama desa, ring Desa Pekraman Bebayu

- 1) Krama desa ngarep mawed kalih jenek ring wawengkon desa Pekraman Bebayu, mipil ring banjar utawi ring desa bebayu, malarapan antuk tateragan banjar utawi desa lwire : sasampun 3 sasih saking dina pawidiwidanaan, pawiwahan. sanistanya sampun puput mabiyakawon.
- 2) Krama ngarep sane mawit saking dura desa, jenek magenah ring wawengkon desa pakraman bebayu, sesampun paesasur dina saking pasadoke.
- 3) Sang sapisira hugi wed saking dura desa magenah ring wawengkon desa Pekraman Bebayu sampun lintang ring patsasur dina katerag antuk banjar utawi desa Pekraman Bebayu.
- 4) Krama desa wed saking desa pekraman bebayu, matinggal ka dura desa, wastu malih mawali ka desa pakraman bebayu.  
ha. yan sangkaning rahayu kalih saking palugrahan Prajuru desa patinggale nguni, wenang mawali mipil ring banjar utawi ring desa patinggale nguni, wenang mawali mipil ring banjar utawi ring desa Pekraman Bebayu nganutin sukretan banjare punika.  
na. Yan sangkaning rahayu patinggale nguni, yogya kelian banjar sane katuju ngetengahang babawose ka desa, mangda kabawosan antuk prajuru desa. Yan katinutin tatepasan prajuru desa punika, tur kacihnayang antuk maguru piduka ring

salah sinunggil Pura Kahyangan tiga desa Pekraman Bebayu, prasiddha kalugra mipil pinaka krama desa Pekraman Bebayu.

#### Pawos 6

Husan makrama desa ring desa Pekraman bebayu melarapan antuk :

- 1) Seda.
- 2) Sangkaning pinunas ngaraga, saka polih palugrahan prajuru desa Pakraman bebayu.
- 3) Tedah utawi tilar saking agama Hindu.
- 4) Kasepekang saha kaheladang antuk desa.

#### Pawos 7

Siwa swedarmaning krama desa Pekraman Bebayu lwire :

- 1) Krama ngarep mawed, krama ngarep yogya keni urunan miwah paayah-ayahan mamungkul, nyanggra saraja karyan desa, manut hunggwan sowang-sowang.
- 2) Deha Truna, yogya ngarembe seraja karya sane kapucukin antuk krama desa ngarep lan krama tamyu, yan wenten mabuwat saking desa, kahunadikayang antuk prajuru desa.
- 3) Krama Nyada, tan keni ayah-ayah lan papeson, nanging dados kaarahang pacang tedun ka desa, yan buat pacang mapapineh, mababawos ngawangun pangrancana salwire sane kabuatang antuk desa.
- 4) Krama desa ring dura desa, yogya ngaturang panahub ayah-ayahan ngemasa-masa senangkan purnamaning kapat ( 5 th apisan ) gung artha manut penghargaan beras 10 kg taler ngaturang dana pawangunan ritatkala desa mapawangun, ngayuun wawangunan sane kadruwe antuk desa gung artha manut sakasidhan perarem desa.
- 5) Krama sane tan magama Hindu, tan sareng sapali kramaning Agama Hindu. Nanging tan wenang piwal ring awig-awig, paswaran desa, miwah pamutus pararem desa, sane ngindikang tata pawongan kalih palemahan.
- 6) Krama desa samiyan yogya saturut ring daging awig-awig desa bebayu paswara miwah pamutus pararem desa, ngutsahayang mangda kasiddhan mapikolih sakadi patitis tatujon prajuru desane kinucap ring kayun tumus memanggulang kajagathitaning praja.
- 7) Krama desa sane pacang ngadol, ngantahang, maselangang, majegang, mase wayang palemahan tegal, palasan, miwah sane sawosan sane magenah sajroning wawidangan desa Pekraman Bebayu, hugi mangda polih palugrahan saking prajuru desa, yan tan polih palugrahan, yogya indike punika kahandegang.
- 8) Yan wenten sinulih tunggal sang sapa sira hugi magenah ring desa bebayu, tan kalugra ngalaksanayang Panca yadnya ring wawidangan desa Pekraman Bebayu, tan kalugra nganggen salwiring druwen desa.
- 9) Krama desa sane maduwe oka rangkungan ring asiki, yan sampun okane sane pinih alit makurenan wau irerama polih nyada.

### Pawos 8

Phala Pheksaning utawi piilih-olihan krama desa Pakraman bebayu lwire :

Krama desa samiyan sejaba tamyu, wenang ngelaksanayang Panca yadnya sajroning desa pakraman bebayu, manut desa kala patra, sastra agama, miwah nganutin sitan desa hinucap.

Mapawangked, tan tedun mayahan, yogya saking panglokikan kalih Palugrahan Prajuru Desa.

### PALET 2

#### INDIK PRAJURU DESA

### Pawos 9

) Desa Pakraman bebayu kahemong antuk Prajuru desa luwire :

ha. Keliang desa

na. Pemaden Keliang Desa.

ca. Penyarikan

ra. Juru raksa

ka. Petangan desa.

) Sane wenang kehadegang wiyadin kamanggehang dados prajuru desa bebayu lwire :

ha. ngangge turunan kalih manut pidabdab sekadi ring sor.

na. tan cedangga, sekadi peceng, perot, cungh, lan sapanunggilan lan ipun sane katandingin kabakta saking wawu embas.

ca. wikan mamawos kalih nyurat aksara bali utawi latin

ra. Mabukti tan nahen malaksana corah.

) Pidabdab ngadegang prajuru desa :

na. mungging ngadegang pamadhen keliang desa, panyarikan juru raksa, petangan desa saking urunan, saseliran manut semeton dadia sane madruwe emponan soang-soang, pasamuhan desa, taler sane akehan yogya turut.

na. lwire madeg dados prajuru desa, wantah limang warsa ngawit saking dina ka adegang.

ca. yan sang sampuin nahen madeg pinaka Prajuru desa, wenang kasudi malih manut kadi dresta.

ra. Prajuru desa patut mewinten majaya-jaya ring Pura Puseh desa pakraman bebayu, mungging dewasa pawintenan manut pamutus pasangkepan desa ritatkala ngadegang prajuru desa hinucap.

## Pawos 10

Swadharmaning Prajuru desa :

- 1) Midabdabin desa, krama desa, pacang ngupadi ka jagadhitan sekala niskala, maka darsana awig-awig desa, paswaran desa, pamutus pararem desa, nganutin agama Hindu, minakadi uger-uger nagara :
- 2) Ngarancana salwiring utsahan desa kaungkur, minakadi ngarancana salwiring sane nyandang pacang wangunang, sane patut hayum, manut lokika, desa kala patra, sane mabuat mangda kasidan polih palugrahan guru wisesa.
- 3) Mamawosin salwiring Wyawahara sane wetu sajroning desa Pekraman Bebayu niwakang tetimbang utawi pemutus bebawos sane yogya keputusang sajroning desa pekraman. Yan tan kasidhan kabawosan ring desa, prajuru desa mituduhang mangda ngaturang ring guru wisesa mangda kabawosan.
- 4) Mratyaksa, nulingayang saparipolah Prajuru desa, lwire : Kliang Banjar, Kliang Dadya, Kliang Pemaksan, Pemangku-pemangku desa, minakadi sane siosan sane wenten sajroning wawengkon desa Pkraman Bebayu.
- 5) Midabdabin salwiring pemargin aci-aci ring wawidangan desa Pekraman Bebayu, taler nulingayang krama desa indike ngalaksanayang Panca Yadnya.
- 6) Prajuru desa wenang, nyanggra salwiring Pituduh, minakadi saraja karya saking guru wisesa, werat utawi ringan, sane yogya katiwak ring desa.
- 7) Pinaka duta pacang matemuang bebawos ring sang sapisira hugi, yan painedikan punika kapineh nyandang pacang marginin.
- 8) Wenang ngewangunang langlang desa, sanepatut ngalang langin seraja karyan desa, nulinga katreptian sawewengkor. desa Pekraman Bebayu.
- 9) Wenang ngawangunang sekeha-sekeha sawosan, sane pacang ngaremba swadarma prajuru desa sane kabuwatang.
- 10) Numbas wewalungan ritatkala aci.

## Pawos 11

Prajuru desa, kagentosin utawi husan, mejalaran antuk :

- 1) Seda
- 2) Mabukti sungkan rahat tur suwe
- 3) Mapinunas sangkaning rahayu, saha polih lugraha saking Paruman desa.
- 4) Tutug sengker pangadage.
- 5) Sangkaning kahusanang antuk paruman desa utawi pasamuhan desa majalaran antuk wyawahara.



### PALET 3

#### INDIK SANGKEPAN UTAWI, MIWAH PESAMUHAN.

##### Pawos 12

Mungging sangkepan utawi paruman minakadi pasamuhan sajroning wawengkon desa Pekraman Bebayu kadi ring sor puniki :

- 1) Sangkepan utawi paruman desa ngasasih satunggil anggara kliwon magenah ring Pura Puseh, sane wenang nedunin sangkepan punika lwire : Prajuru desa, pamangku desa, kliang-kliang dadia, krama desa minakadi sang sapa sira hugi sane kabuatang antuk desa, maka manggalaning mababawosan sejeroning sangkepan utawi paruman manggeh kliang desa wiadin salah sinunggil Prajuru desa saking palugrahan kliang desa.
- 2) Sangkepan utawi paruman desa, kawentenang patgatakala. Manut kabuatang desa magenah ring Pura Puseh Bebayu.
- 3) Sane patut nedunin sangkepan utawi paruman prajuru desa punika lwire : Prajuru desa, pemangku desa, minakadi sang sapa sira hugi sane kabuatang antuk prajuru desa.
- 4) Pasamuhan desa bebayu kawentenang patgatakala, sasor ipun ngamasa-masa magenah ring Pura Puseh bebayu.  
Sang yogya nedumun pasamuhan desa punika, pingajeng sang patut sareng sajroning sangkepan desa, saha krama desa maka sami.
- 5) Sangkepan banjar, pamaksan pura, sekeha subak miwah sekeha-sekeha sawosan. Sane wenten sajroning desa pakraman bebayu kawentenang manut awig-awig, paswarannyane soang-soang nanging hugi tan sinarengan ring sangkepan desa minakadi pasangkepan prajuru desa.
- 6) Sangkepan utawi paruman desa patgatakal manut sakabuatan desa.

##### Pawos 13

Tata kramaning sangkepan utawi paruman, miwah pasamuhan :

- 1) Saya patut makta canang miwah cane, tegap eteh-ete pesayaan, manut pagilih.
- 2) Kliang wenang nepak tengeran sapisan sadurung ngawitin sangkep.
- 3) Babawosan sajroning sangkepan utawi minakadi pasamuhan hugi ngupadi, karahayuan jagat, minakadi ngerajegang kawuruhan sang hyang widi, majalaran bhawa laksana manut catur dresta lwir ipun : sastra dresta, kuna dresta, desa dresta miwah loka dresta.
- 4) Yan wenten sinalih tunggil ngatengahang babawos, sajroning sangkepan utawi paruman minakadi pasamuhan, yogya kadamyakang. Yan nyandang bawosin, yogya rinawosan. Yan tan nyandang bawosin, hantukang ring sang ngawiwitin.
- 5) Sane kinucap pamutus babawos, wiadin paswara jroning sangkepan paruman minakadi pasamuhan, yan bryuk sapanggul hanut sang nangepin, yan tan sapunika, asing

akehan wenang turut manut panglokika. Pamutus babawos yogya kalekitayang kalaksanayang manut anggeran ipun.

- 6) Yan tan puput babawose sajroning sangkepan kantos ping tiga sangkepane, patut katengahang sajroning pasamuhan, pamutus babawos sajroning pasamuhan pinaka pamekas.
- 7) Sangkepan punika kabawos sampun puput, yan sampun kliang desa mitegesang daging-daging sane sampun kacumpuhin ring krama desa, saha sampun kabacak.

**PALET 4**  
**INDIK KULKUL**  
**Pawos 14**

- 1) Sajroning wawengkon desa bebayu wenten bebacakan kulkul, kadi ring sor puniki :
  - ha. Kulkul Desa :
    - nyuarayang/nepak kulkul patut nganutin patitis tri hita karana, inggih punika :
      1. Rikala Aci
      2. Rikala wenten sangkepan kalih pacang tedun mekarya.
      3. Rikala wenten baya.
    - na. indik pidadab swaran kulkul punika mangda nganutin tri hita karana :
      1. Iwir sadpada angisep sari
      2. Iwir lembu amangan dukut punika alor matuludan
      3. Iwir bima kroda, punika bulus.

Piteges

1. Rikala aci swaran kulkul Iwir satpada angisep sari.
  2. Rikala sangkep utawi pacang tedun mekarya swaran kulkul Iwir lembu amangan dukut.
  3. Rikala wenten baya. linuh, surya candra graha, swaran kulkul bima kroda.
- ca. Piteges malih, yan rikala wenten baya siosan tetepakan kulkul punika manut dresta, inggih punika :
1. yan kulkul masuara kalih tulud, makacihna kahicalan banteng.
  2. yan kulkul maswaran tigang tulud, makecihna wenten amuk utawi yuda tur sampun wenten sane padem / pejah.

## PALET5

### PADRUWEPAN DESA PAKRAMAN BEBAYU

#### Pawos 15

Sane kadruwe antuk desa Pakraman bebayu lwire :

1. Pura Kahyangan Tiga
  - na. Pura Puseh
  - na. Pura Bale Agung
  - ca. Pura dalem miwah prajapati,
  - ra. Pura gedong
  - ka. Pura segara miwah pasucian.
2. Bale Desa
3. Setra pakraman apalebahan, minakadi setra pangilang ilangan.
4. Palaba Pura malinggah tigang hektar.
5. Gong abarung
6. Lekita-lekita lwire : pipil krama, awig-awig, paswara, miwah pamutus pararem desa.
7. Ilen-ilen wali pura lwire : Rejang, Pendet, Legong
8. Pralingga Ida Bhatara.
9. Lembaga Perkreditan Desa miwah CBD.
10. Palemahan sane kahanggan karang paumahan, telajakan karang, margi, rurung-rurung sajroning desa Pekraman Bebayu.
11. Tanah G.W sane wenten ring sajroning tepi siring segara.

#### Pawos 16

Pilih-olih Desa Pekraman Bebayu

1. Pamupun tanah palaba pura.
2. Urunan, panahub, pakenin-kenin pakaryan krama desa.
3. Haturan, dana punia.
4. Tiga sana tanah petasikan lan lwir ipun sane kantong ngranjing tanah GW 2 kg beras sanunggil warsa.
5. Pilih-olih saking LPD miwah CBD.
6. Pilih-olih saking usaha, guna kayan krama desa, minakadi sawosan saking patut rahayu.
7. Tiga sana tanah pekarangan 2 kg beras sanunggil aci Ring Pura Puseh.

**PALET 6**  
**LALUPUTAN**

**Pawos 17**

1. Luput punika mapiteges nenten keni rarampen utawi raraman luwire : Ron, busung, saang, klaᅇsah, tiying miwah babanten sane dados kemponan krama desa sareng sami.
2. Krama desa Pekraman Bebayu sane luput luwire :
  - ha. Prajuru desa
  - na. Pemangku desa
  - ca. sang sapa sira hugi sane kapineh antuk desa patut nyandang polih leleputan, manut paswara.
  - ra. Pecalang desa polih leleputan ayah saya.

**PALET 7**  
**DEDOSAN PATEDUNAN**

**Pawos 18**

Dedosan patedunan, sangkepan, tedun makarya miwah sane sawosan, ngatunang sukreta sowang-sowang lwire :

1. Yan desa pekraman madruwe patedunane, yogya nganggen sukretan desa, sane kagadun antuk desa, dadosan ngranjing ka desa.
2. Yan patedunan pacang makarya ngaryaning karyan desa, dadosan ipun ngaranjing ka desa.
3. Yan subak madruwe patedunane yogya nganggen huger sukretan subak, sane sampun ka gaduh antuk sekeha subak, dadosane ngranjing ka subak.
4. Yan sekeha-sekeha sawosan madruwe patedunane, yogya ngangge huger sekehe sowang sowang dedadosane ngranjing ka sekeha.
5. Yan wenten krama sinalih tunggal tan tinut ring tatepasan miwah dadosan punika, wenang babawose katengahang ka desa, prajuru desa yogya mamawosin.
6. Agung alit dadosane, sane katerapang ring wawidangan desa bebayu lwire : ring desa, ring banjar-banjar, ring dadya-dadya, ring sekeha subak, minakadi sekeha-sekeha sawosan, munggh sajroning paswaranya sowang-sowang saha maceciren palugrahan prajuru desa Pakraman bebayu.

**PALET 8**  
**INDIK BHAYA**

**Pawos 19**

1. Same kinucap Panca Bhaya, luwir ipun : jiwa bhaya, agni bhaya, artha bhaya, bhayu bhaya.
2. Saluiring bhaya wenang gegerak antuk swaran kulkul
3. Sang sapa sira hugi krame desa sane manggihin, wyadin uning ring panangkaning bhaya, ring kang katiben bhaya, wenang ngegerak nepek kulkul manut indik kakulkulan bhaya, aris damyakang ring desa.
4. Ri kala wenten swaran kulkul bulus tatengger bhaya, krama desa patut yatna sayaga, saha sregep ngamog prabot wiyadin gagawan sowang-sowang.
5. Yan sampun tatas ring baya punika, krama desa patut matetulung nambakin, wiadin ngamesehin baya punika manut unggwan, kalih manut patuduh sang yogya ngawiwenangang.
6. Sang sapa sira hugi tan kawasa majajagur ri kalaning desa, krama desa, katiben baya, yan wenten sinalih tunggal kacirenan mamurug, yogya katengahang ka desa, wiyadin katur ring sang amawa bhumi, mangda kabawosan.
7. Yan pinganan baya punika sampun kapineh manah ta pacang nyengkalen, wenang kacihnayang antuk swaran kulkul lambat atuludan, wiyadin pasiar saking sang ngawiwenangang.

**PALET 9**  
**INDIK RAMPAGAN**

**Pawos 20**

Sane wenang rampag minakadi huggwan kalih pidabdab ngarampang, mungguh sajroning paswaran desa bebayu taler manut ring dresta kuna.

Desa wenang ngemargiang rerampagan ri petegala sane medaging wit kelapa, kaduwe antuk krama desa nanging magenah ring wawidangan desa pakraman bebayu. Akeh nyane sane patut ke rampag tegal sane medaging wit kelapa roras bungkul sane asaih.

**PALET 10**  
**INDIK PANYANGGRAN DESA**

**Pawos 21**

1. Seraja karya desa kasanggra antuk krama desa, kahundikayang antuk prajuru desa karemba antuk kliang kliang desa.
2. Yan wenten krama desa ngawangun yadnya suka duka, keagin nunas panyanggran dadya minakadi panyanggran desa.

**CATURTAS SARGGAH  
SUKRETA TATA PALEMAHAN**

**Palet 1**

**INDIK TEGAL LAN KARANG**

**Pawos 22**

- 1) Palemahan Desa Pekraman Bebayu, mahuger antuk Tri Mandala, lwire :
  - ha. Uthama Mandhala : palemahan sane kaanggen karang Pura, wiyadin Parhyangan.
  - na. Madhya Mandala : palemahan sane ka anggen karang Pomahan, genah wewangunan, sekadi : bajar, sekolah, kantor, rumah sakit miwah sane sawosan.
  - ca. Nista mandala : palemahan sane ka anggen setra, margi, rurung, papunduk, telanjakan karang, miwah sane sawosan. Sahanan palemahan sane wenten ring wawengkon Desa Pekraman Bebayu, yogya mangda madruwe bebaledan wiyadin wates sane pasti.
- 2) Sakancan palemahan sane wenten ring wawengkon desa Pekraman Bebayu patut madruwe bebaledan wiadin wates sane pastika.
- 3) Sahanan palemahan punika, hugi mangda madruwe margi, rurung, papunduk, sane dados hentasin.
- 4) Yan wenten pakarangan pura, paumahan, tegal muwah palemahan sawosan kabebeng tan madruwe margi, rurung miwah papunduk, sang madruwe patut ngatengahang babawosan ka desa. Prajuru desa yogya negteg, ngutsahayang mangda polih margi malarapan sangkaning sami suka. Yan patut matumbas, manut pangargan tanah sane kamanggehang antuk sang mawerat, sami ketahur antuk sang mamuatang.
- 5) Yan desa pacang ngaliggahang margi, rurung minakadi makarya margi, rurung desa saking sampun ingkup paswaran desa, yan nganggen tegal, miwah palemahan sawosan wenang tan nawur penghargaan tanah punika, nanging yan madaging papayan, wewangunan salwire, desa patut ngicen prabeya agung alit manut pamutus parembug desa kala punika.
- 6) Sahaning karang pomahan hugi mangda masengker. Pidabdab nyengker, magaleng kadulu. Panyengker sane sisi kangin, miwah sisi kaler, patut kakaryanin antuk sang ngenahin karang punika. Sa jaba karang nyele, wiyadin lingkein rurung, palemahan suwung.
- 7) Sang sapisira hugi ngenahin karang tegehan, patut naku, tegehe asukat natah dangsah, sane tebenan wenang ngisinin tembok.
- 8) Telajakan karang patut kapiyara antuk sang ngenahin karang punika sowang-sowang, mangda mapineh tur kanten hasri.

- 9) Yan wenten sinalih tunggal nyadya nyeleksek wiyadin ngaleklek babaledan salwiring babaledan wiyadin bebatasan, lwire : bebaledan wiyadin wates pura, karang pamohan, tegal, setra, jlinjing, margi, rurung, papunduk, miwah sane sawosan, yogya katiwakan dandha manut werat ringan kahiwigane, saha mahayu sane kasleksek wiyadin kaleklek, kalih mrayascitta sakabuatan sane nyandang katibanan pangaskara, indik negdeg wewatesan utawi babaledan manut dresta kuna.
- 10) Yan hana sinalih tunggal ngaletihin, ngarucakin, ngrobodin, ngararabin, palemahan liwaring pamahan padruweyan nyane, lwire : ngutang luu, bangkaan, miwah salwiripun, nycrongang babanyon, yogya katiwakan dandha gung artha manut paswara, tur mahayu sane keletehan, karucekan, karobedan, raraban, hinucap ring ajeng. Saha mryascitta sane nyandang keni pangaskara.
- 11) Yan wenten anak ngenahin palemahan sajroning wawengkon desa pakraman bebayutan tinut makrama desa nganutin awig-awig miwah paswaran desa, tan kalugra nganggen salwiring padruweyan desa, tan kalugra ngalaksanayang panca yadnya sajroning desa bebayu. Yan tekaning kapatiyan dados saumbang utawi pendhem ring setra pangilang ilangan, tan polih penyanggran dadia minakadi penyanggran desa.
- 12) Yan wenten anak tan ma agama Hindu ngenahin palemahan sanroning desa pakraman patut nganutin paswaran desa pakraman bebayu.
- 13) Tanah ayahan desa dados adol ring prati sentana desa meruwa.

## PALET 2

### INDIK KAKAYONAN

#### Pawos 23

- 1) Ngawit nandur kekayon tanem tuwuh, patut adepa agung ngajeroang saking wates, prade jantos ngaliwat wates carang ipun wenang kasepat gantungin.
- 2) Tan kalugra nebtob, ngerebah, wit-witan salwiripun ring palasan, pategalan, habing, tangkid, miwah genah sawosan sane kakeker antuk desa, yan wenten sinalih tunggal mamurug katiwakang dandha manut lokika, manut paswara, tur taru sane karebah mantuk ke desa, sasampun polih palugrahan saking sang amawa rat.
- 3) Salwiring wit-witan sane sampun kacirenan wiyadin kasawenin antuk desa, pacang mangge mamapawangun ring desa, pradene punika ka rebah antuk sang madruwe, yogya sang madruwe katiwakang dandha, manut lokika, manut paswara, taru wiyadin wit-witan sane karebah mantuk ke desa, wiyadin ngetang pangarga memargi ring tanah duwen desa.

**PALET 3**  
**INDIK WEWANGUNAN**

**Pawos 24**

- 1) Sang sapisira hugi krama desa, sawewongkon desa babayu, yan pacang ngwangun panyengker karang pomahan, patut masukpeksaring penyandiage. Yan ta radin, yogya nunas degdegan ring prajuru desa. Prajuru desa negdeg saduha jeng ring sang mawicara.
- 2) Wawangunan ring palemahan pecak tegal, palemahan suwung, sane sampun masanggah pawon, palemahan punika prasadha kabawos karang pomahan, dwaning sampun katiwakan pengupakaran karang. Awanan patut madruwe rurung betel ka marggi agung, sukat dados pacang ngalintangang papaga, dwaning tan kapatut ngalintangang sawa ring carik, tegal. Yan wenten manurug, yogya prajuru desa niwakang tatepasan mangda sang manurug mryascita palemahan hinucap sane kalintangin.
- 3) Yan wenten sinalih tunggal sang sapa sira hugi, pacang nguwangun wawangunan genah ngelaksanayang upacara agama lwire : Pura, Masjid, Gereja, wihara, miwah sane siwosan, hugi mangda wenten lekita palugrahan prajuru desa, kalih lekita palugrahan guru wisesa. Yan wenten mamurug kadi kinucap ring hajeng, kabawos tan sida karya. Tan wenang anggen, tur wewangunan punika yogya wangdeyang.
- 4) Wawangunan jroning karang pomahan, hugi nganutin tri mandhala, pagenahan mapumahan, nista mandhala ngaran lebu, jabayan.

Indik pepayon, wewangunan nanem tanem tuuh.

1. Yan wenten taru mentik ring pamedalan, wenang sami nuenang.
2. Ten dados nandur bibit taru ageng.
  - a. Nampek pamedalan, penyengker pura
  - b. Nampek pamedalan, penyengker poMAHAN.
3. Yan prade wit taru punika maweh baye, wenang sang madruwe pura wiadin pomahan masadok ring prajuru desa kalih ring sang madruwe taru, mangde ring gelis munggel taru punika, nganggen ipun nyipat ngantungin.
4. Yan prade tan kalingu oleh sang mardruwe taru wenang nguningayang malih ring prajuru desa.
5. Prajuru desa patut ring gelis natasang taru punika.
6. Yen kapineh jati wit taru punika pacang ngawinang baye, prajuru desa patut gelis nguduh sang madruwe taru mangde ngrebah.



7. Yen sampun kantos ping kalih ping tiga prajuru desa nguduh ngrebah taler tan karebah, wenang sang madruwe pura utawi pomahan ngrebah taru punika, nanging mangde kesaksian olih prajuru desa.
8. Taru punika patut mebagi tiga :
  - a. Abagi ke antukang ring sang madruwe taru
  - b. Abagi ke ambil ring sang madruwe pura utawi pomahan
  - c. Abagi ke ambil olih desa
9. Yan prade taru punika kantos ngrebahang dewek kantos ngrerusakang wewangunan; wenang sang madruwe taru mecikang pepayon punika, turmaning ngupakara genah punika.
10. Taru punika wenang ke daut, ke ambil olih sang madruwe pepayon.

#### PALET 4.

#### INDIK WEWALUNGAN

#### PAWOS 25

1. Sane kinucap wewalungan, sekancen buron suku pat sane nyadnya kapiyara, sekadi bawi, banteng, kambing, kebo, jaran, miwah sapanunggilan ipun, taler watek makampid, sane nyadnya kapyara, sekadi ayam, itik, angsa, dolong, miwah sabacakan ipun.
2. Sang sapasira hugi krame desa sane myara wewalungan suku pat, sejaba hasu, tan wenang ngelumbar, sane patut matlusuk. Sane tan patut matlusuk, mangde mategul bawong sane patut maglogor wiadin makandang. Mangda tan ngrucakin, ngecetuhin, pamemahan tani druwe, miwah mamayen krama desa, jana pada. Yan hasu mangde mabelat, luire makalung bawong maka cihna wenten sane myara.
3. Sang sapasira hugi krama desa, miyare watek suku kalih, watek mekampid, yatuain hugi, mangde tan banget ngarucakin, ngeletihin, palemahan, tetanduran druwen anak sawos.
4. Tan wenang nganggonang, negulang, hingon-ingon ubuh-ubuhan, ring palemahan tan druwe, minakadi mtan sasakepan druwe, yan tan kapisukayang. Sang madruwe palemahan, prajuru desa, langlang desa, kliyang-kliyang, asing mamanggihing wenang nyambatsar sang madruwe wewalungan ika. Yan lakas sang kasambatsara, wewalungan ika wenang taban. Prajuru desa yogya niwakang pamidandha, manut lokika, gung artha manut poswara.
5. Tan wenang nganggonang, negulang ubuh-ubuhan, ring palemahan karang pura. Kahyangan salwir ipun, minakadi setra, rurung papunduk, margi, telajakan karang, palemahan sane kapingitang, karang suung, miwah sabacakan ipun. Yan wenten mamurug, prajuru desa, kliyang-kliyang tampek banjar, prajuru desa sinalih tunggal,

- asing mamanggihin, wenang nyambatsare, sahe nabur wewalungan ika. Katengahang ke desa, katiwakan dandha gung artha manut paswaran. Saha melayu yan wenten karusak, tur mrayascita palemahan ika sane nyandang prayascita panglokika.
6. Yan wenten maubuh-ubuhan sajeroning karang pomahan, hugi hajan mratyaksayang kandang ipun, mangdetan ngawetuwang bhaya, panyungkan. Taler mangde hapik guritan, siksa, mangde tan kantos ngaletihin, ngarobedin, nyerobohin karang pamohan wiadin palemahan panyandinge yan wenten mamurug, tan priksa ring hingon-ingon, miwah kandang ipun, wenang panyandinge nyambatsare, wenang katengahang ka desa, prjuru desa nepasin. Wenang katiwakan dandha manut panglokika kalih paswaran desa.
  7. Sang sapasira hugi krama desa, ngawangunang kandang. Wewalungan, buwat adol antuk, yan kandang ayam, itik, miwah sapanunggilan ipun, buwat naluhang, miwah adol antuk dagingan satus ukud. Yan kandang wewalungan suku pat luire kandang banteng dagingan petang ukud, sowang-sowang, ika weang jroning karang pomahan, yogya kawangunang ring palemahan sane mawaneng sator ipun satus depa saking palemahan karang pomahan, sekolah, kantor, pura kahyangan, minakadi genah sane kakeker wiyadin kapingitang antuk desa pekraman bebayu, tur mangde maduwe lekita panugrahan sang amawa bhumi.
  8. Yan wenten wewalungan ngarucakin, ngerug tatanduran, wenang taban. Sang madwe tatanduran ngatengahang ka desa pramangkin, kabawosan antuk prajuru desa, saha katiwakan dandha manut lokika paswaran desa.
  9. Yan godel banteng, godel kebo, godel misa, durung matlusuk, godel, jaran kambing miwah sabacakan ipun durung hantes mategul, yogya salabarang ring sang madruwe.
  10. Yan bebek, angsa, dolong miwah sapanunggilan ipun, ngarucakin tatanduran, taler wenang taban, indike naban, mangde mesaksi, sahe kasupeksayang ka desa pramangkin, prejuru desa yogya mamawosin, niwakang pamidandha manut panglokika.
  11. Yan wenten wawalungan ngeleb, mamegat ngaranjingin palemahan pura, kahyangan, setra, karang pomahan, miwah sane sawosan, lokikanen juge, yan tan nyadya kalebang tan wenang taban.
  12. Sang sapasira hugi tan kalugra maburu, medil miwah nyaring paksi sajroning desa pekraman bebayu. sajabe buron sane kabaos merana, yan wenten mamurug wenang ka tengahangh ka desa pramangkin, kabawosan antuk prajuru desa saha katiwakin dandha manut panglokika, kalih paswaran desa.
  13. Sekancen dadandahan, dadosan sane inunggh ring ajeng, sami mantuk ka desa.

**PANCA MAS SARGAH**  
**SUKERTA TATA LAKSANA**

1. Desa pekraman bebayu kakuub oleh desa pakraman kasimpen manut loka dresta, desa pakraman bebayu sadurungnyane kakuub oleh desa datah, melarapan antuk desa pakraman kasimpen mamuatang tepi siring segara maka linggih Ida Bhatara-bhatari sawidangan desa pakraman kasimpen masucian ke segara, awanan palemahan ring jagat wates kantun ke desa datah, saka desa bebayu katun ke desa kesimpen, awanan kantos mangkin desa pakraman bebayu kakuwub oleh desa pakraman kesimpar
2. Satunggil aci ageng ritatkala purnamaning sasih kelima, krama desa pakraman bebayu keni petiga samaan, le desa pakraman kesimpar marupa, tasik, pucuk / lontar, bija ratus, tikel.
3. Tatkala aci ring pura puseh bebayu, desa pekraman bebayu wenang miolikang ; tying, kelapa, minyak, saking desa pekraman kesimpar.
4. Tat kala aci sasih kelima ring pura puseh kesimpen, ida betara-betari katuran melasti ke segara bebayu, awanan desa pakraman desa bebayu ugi ngaryanang panggungan linggih Bhatara-bhatari ring segara, lan ngaryanang bakti ring pasucian.
5. Wus ida katuran masucian di segara, ngeraris simpang ke pure puseh bebayu, sane katuran ida simpang maduluran pawur :  
Saroron Ida Betara lingsir  
Saroron Ida Batara pemaksan pidpid  
Saroron Ida Betare ring pura laga  
Sesampune ida katuran canang pengeraos minakadi seluirnyane ring pure puseh bebayu, raris ida tedun mantuk kairing oleh krama desa pakraman bebayu.
6. Ritatkala ngusaba dangsil minakadi karya agung, awanan Bhetara ring pure puseh bebayu saroron ida katuran ke pure puseh kesimpen saha kapedak oleh :  
Ida bhetara ring pura bangun sakti  
Ida Bethara ring pura maksan pidpid  
Para dewa rsi katch
7. Separauhan idane ring kesimpar Ida katuran mesandekan ring pura bangun sakti.
8. Ida bhatara ring Pura Puseh Bebayu taler ngadeg ring pure puseh kesimpen tigang rahina, ngraris ida mantuk kairing oleh ida betara sane mamenbak.
9. Ngeninin antuk gong, yan prade wenten kerusakan ring reramon gong, patut krama desa ngarep lan krama desa magenah ring dure desa ugi nyanggra krusakane punika.

## SUKARTA TATA AGAMA

### PAUT 1

#### INDIK DEWA YADNYA

#### KAPING 1

#### INDIK KAHYANGAN

#### PAWOS 26

1. Pure puseh, pure bale agung, pure dalem miwah prajapati, pure gedong kahemponin antuk krama desa ngarep mawed, miwah krama desa ngarep.
2. Pura-pura kahyangan sane sawosan ring sane kinucap ring kayun, papayon kalih pangaci-aci kahemponin antuk krama pamaksana pura sane nyungsung Bhatara ring Pura Kahyangan punika sowang-sowang.
3. Mungging pasucian Bhatara, papayon kalih paaci-aci kahemponin antuk krama desa ngarep mawed miwah krama desa ngarep.
4. Yan wenten karecehan, wicara, sajroning pamaksan pura, pasucian bhatara sinalih tunggal, wenang katengahang ka desa, prajuru desa mamawosin, nyahsahang, nepasin wicarane, mangda kasidhan mawali landuh jatimula.
5. Tan wenang nguwah nguwhin wawilangan palinggih bathara, sane sampun wenten ring Pura Kahyangan sowang-sowang, mangda kantun manggeh kadi kuna.
6. Yan wenten Pura Kahyangan sinalih tunggal, reneng pa ngaci-acinya, kantos ka darsa warsan, yogya prajuru desa mamawosin, maritetes, ngutsahayang mangda kasiddhan mawali kadi jatimula. Nanging prade tan kasiddha desa ngawangunang pangupakara mralina pura punika, mangda tan karanjingan kaumahin antuk ki bhuta kubandha.

#### KAPING 2

#### INDIK PANGACI-ACI

#### Pawos 27

1. Indik pangaci-aci ring Pura kahyangan sane wenten sajroning wawengkon desa Pakraman bebayu kahemongin antuk krama desa, manut kemponan, wiyadin pamaksan sowang-sowang, sajaba kahempon antuk krama desa ngarep mawed miwah krama desa ngarep, swang-swang pura madruwe gagaduhan, pinaka huger pangaci-aci, miwah bebanten.
2. Sane yogya muput haci-aci ring Pura panyungsungan desa wantah pamangku desa sane wenten sajroning pura punika, sawaning pangaci-aci sakadi mamungkah, ngenteg linggih ida salunggih.

3. Yan wenten sinalih tunggal Pura durung madruwe pamangku, utawi pemangkune kapyalang, dados nuhur sinalih tunggal pamangku kahyangan desa, pade taler tau mrasidayang patut nuhur ida sulinggih.
4. Pamangku' desa punika antah pamangku pura puseh, pura dalem, pura desa, sane wenten sajroning desa pakraman bebayu kelugra nganteb banten pangodal minakadi sane sawosan ring pura-pura sawewengkon desa pakraman bebayu sane memuwatang, taler manut kawenangan pamangku.
5. Ritakala desa ngawangun karya agung, mwanng karya-karya siosan ring Pura Puseh. Pura bale agung miwah Pura Dalem, desa dados nyarad pemangku-pemangku kahyangan sane wenten ring wawengkon desa pakraman bebayu pacang ngarombo pemangku desa.

#### Pawos 28

Indik pangaci-aci ring Pura panti, pamrajjan, paibon dadya mwanng pura-oura sajaba hemponan desa sane wenten sajroning desa pakraman bebayu, punika kahemongin antuk krama desa sajroning sekehe dadya, pamarajan, manut sima drestanya sowang, tan singsal ring ucaping sastra agama Hindu.

#### Pawos 29

1. Aci-aci. piodalan, pengusabhan minakdi pasegeh ring Pura Kahyangan tiga mwah kahyangan desa lwire :
  - ha. Pura Puseh, ritakala Purnama Kapat.
  - na. Pura Desa utawi Pura bela agung ritakala Purnama Ketiga.
  - ca. Pura Dalem miwah Prajapati ritakala Tilem Sasih Karo.
  - ra. Pura gedong bude wage klawu.
2. Pangaci-aci sawosan lwire :
 

Pangaci-aci ring pasucian bgatara utawi aci pamagpag toya kala dina tilemaning sasih ketiga.

Aci usaha arahina

  1. Ritakala purnamaning sasih ke dasa, betara ngadeg wantah arahina, karuntutin ngemargiang penyepian saka ngelaksanayang catur beratha penyepian (sipeng).
    - a. Amati geni
    - b. Amati karya
    - c. Amati lelungan
    - d. Amati lelanguan

Sadurung penyepian kemargiang, krama desa wenang negmargiang nogtog, ma oboh-oboh, masasimbuh kasuna jangu tur masang sawen.

1. Anak saking dusa dusa waton dulus ngarung ke dusa pakraman bebaya, sejabaning sang anggawa rat, kalih anak kasilan baya rubah, nanging ngi masodok ring prajuru dusa.
1. Yan waton krama dusa wadit krama dusa dusa sate mamung wong bawandit manut pramon.
4. Dandit punika wong ngarung ke dusa, wong malih ngarung ring pengalang-alang.
1. Mula pamerit peryegan atawi pengalang-alang wamuh prajuru dusa pakraman.
4. Yan prajuru sate mamung atawi lan midandit sate patul bawandit sate prajuru kama dandit alofnyane manut pramon tumuning kapinggolong.
1. Ratakala aci ring pura pusti bebaya, krama dusa sate naganah ring dusa pakraman bebaya nanging lan masora wadit midandit patul kama petyasanan, krama wate, jrah baling 200 kawang, katur sapan dulus kawilangang jrah atawi krama wilanganipun 10 kg krama.
1. Indik pamanggih ida bawandit
  - a. Bataw ring Pura Pusti
  - b. Bataw aya bulat
  - c. Bataw agung ring batur
  - d. Bataw bagus lingkar
  - e. Bataw gunung agung
  - f. Bataw Aya taman sari
  - g. Bataw Bagus Mekar
  - h. Bataw Ratu Pandit
  - i. Bataw Bature
  - j. Bataw Bagus kalis
4. Ratakala Bature Bature mamang lan wong mamung pan waton mamung patul sate mamundit kama dandit alof nyane manut pramon.
10. Pamanggih Bature kabeh patul ke enter alih pan pamanggih sate.
11. Ratakala aci ring Pura Pusti bebaya bature sate patul katur ke Pura Pusti bawandit
  - ha. Bataw ring Pura Makas Taman Sari
  - na. Bataw Ring Pura Cudung
  - ca. Bataw Ring Pura Pandit

### Pawos 30

1. Aci-aci, piodalan, pangusabhan ring Pura kahyangan Tiga miwah kahyangan desa sajroning desa pakraman bebayu kesanggra antuk krama desa manut hemponan.
2. Lwiring babanten, minakadi heed upacara, manut gegaduhan dresta kuna sowang-sowaag pura.
3. Padagingan pacang aci-aci :
  - ha. Hupon-hupon tanah pelaba pura
  - na. Piturunan lan wawijilan krama desa
  - ca. Patigasana abutan tanah ayahan desa
  - ra. Pioli olah pagunakayan krama desa
  - ka. Haturan-haturan sangkaning krama desa
4. Ri kala kabrebehan jagate, ka geringan, katiben panca bhaya, pinganan tan mresidayang ngaturang aci kadi patute, yogya prajuru desa miwah pemangku desa, ngaturang piuning ring bhatara masadhana babanten padhatengan, pacanangan, maka cihna tan pegat haci-hacine. Ri wus mawali degdeg jagate, patut ngawangunang upacara Bathara turun kabeh, masesirih makakobok ka segara giri.
5. Yan ri tatkala mamahayu, ngayum papayon, ring Pura-pura kahyangan, pinganan tan puput kala dinaning piodalan, pangacihne wenang rangkadang, nanging padatengan, pacanangan, tan dados pegatang, ris wus puput masasapuh salwire, malih mawali kadi kuna.

### KAPING 3

#### INDIK PAMANGKU

### Pawos 31

- 1) Ring sowang-sowang Pura kahyangan patut ngedegang pemangku.
- 2) Pidagdab ngadegang pemangku sinalih tunggil :
  - ha. Ngambil saking saserod sentana wiadin katurunan.
  - na. sangkaning kajujuh saha kabriyukin antuk desa pakraman bebayu.
- 3) Sang tan wenang kahadegang dados pamangku lwire :
  - ha. Cedangga lwire : peceng, perot, cungh, lan sapanunggalan ipun.
  - na. mabukti sungkan rahat.
  - ca. Mabukti nahen ngarug sasana, minakadi melaksana corah.
- 4) Sang sapisira hugi pinaka jan banggul utawi pemangku ring pura kahyangan tiga miwah kahyangan desa ring desa pakraman bebayu mangda pageh ngamel kalih ngalaksanayang sasanan pemangku.
- 5) Sang sapisira hugi krama desa, sakaning saserod, sangkaning kasenangan antuk bhatara polih pamuwus ring sasemburan, minakadi kajujuh kabriyukin antuk krama desa, pacang kaanggen pemangku, yan kari alaki rabi yogya lanang istri mawinten.

- 6) Sang kasudi pacang ka anggen pemangku, patut mawinten ring Pura genahe dados jan banggul. Mungging prabeya kasandingin antuk pamaksan pura sowang-sowang, yan pemangku desa kasandangin antuk krama desa.
- 7) Pamangku patut madruwe hamongan Pura sowang-sowang, yan tan madruwe hamongan pura, prasiddhan tan kalugra, ngantebang babanten ring Pura salwire.
- 8) Pioli olah pemangku lwire :
  - ha. Pangolem
  - na. Penyolasan saking sarin canang apah tigaan
  - ca. Luput rarampen utawi raramon, sajroning kantung pinaka krama ngarep.
- 9) Swadharmaning pemangku lwire :
  - ha. Ngenterang upacara Pujawali utawi piodalan miwah pangusabhan ring Pura sowang-sowang sadurung upacara memargi.
  - na. Prade salah sinunggal pamangku kahyangan tiga utawi kahyangan desa kapialang utawi cuntaka kengin nuwur pamangku desa sane wenten sajroning desa bebayu saking palugrahan prajuru desa.
- 10) Pamangku ka gentosin majalaran antuk :
  - ha. Mapinunas mararyan, saking patut pinunase, nanging tan kari ngalaksanayang dharmaning pemangku, akwekas kalaning seda, tan polih patulung prabeya atitiwa.
  - ha. Saking patut pinunase, majalaran antuk lingsir, sampun tan mampuh, sungkan rahat, tan kengin waras, kajadayang antuk krama pura, wiyadin desa, patut polih patulungn prebeya pemegat sat saking desa prabeya sami ketanggung antuk desa.
  - ca. Sakaning kahusanang, majalaran antuk melaksana mamurug sasanan pamangku, kawekas kalaning seda tan polih prabeya atitiwa.

#### KAPING 4

#### INDIK SUKRETAN PURA KAHYANGAN

#### Pawos 32

- 1) Ring kalaning maturan hamung Pemangku ring kahyangan punika sane dados mungguh tedun ring palinggih-palinggih pura Kahyangan hinucap, minakadi sang sampun polih lugraha saking Pamangku Pura hinucap minakadi lugraha Prajuru desa. Yan wenten mamurug, katiwakan dandha mrayascitta palinggih punika.
- 2) Pamangku sane patut ngantebang bebanten ring Pura, sinalih tunggal wantah pemangku sane kadruwe antuk pura punika. Yan nenten wenten pamangku ring pura punika, utawi kapylangan, patut nuwur Ida Sulinggih.



- 3) Tan kalugra mamisuh, mababawos pati kacuh, nguman-nguman ring sajeroning kahyangan wiadin pura, yan wenten mahcihna mamurug keni dandha tur mryascitta pura manut pamutus pararem desa.
- 4) Tan kalugra masumpah, ma coran, sajroning pura kahyangan sinalih tunggal, sa jaba sangkaning wicara pura hinucap, taler saking pabuat krama pamaksan pura, utawi pabuat krama desa sane ngempon pura punika.
- 5) Tan kalugra malaksana kantos ngawetuwang biota ring Pura kahyangan, yan wenten mamurug, sang kapineh sampun nama wirang kantos maywadi ring pura, yogya katiwakin dandha gung artha manut pangargan beras adasa kg kang sawiji, saha marisudha kahyangan punika.
- 6) Sang sapisira hugi kacuntakan, salwiring cuntaka, yan durung mabersih, tan kalugra ngeranjing ka Pura kahyangan yan katenger wenten mamurug, yogya tiniwakan dandha marisuddha kahyangan punika.
- 7) Sang sapisira sowang-sowang pura kahyangan sawewengkon desa pakraman bebayu kalugra madruwe sukerta wara-wiri, anging tan dados singsal ring pasukertan desa pakraman bebayu.
- 8) Pura Kahyangan tan wenang anggen sajaba ngalaksanayang upacara agama hindu manut sastra agama ring bali. Yan wenten mabukti mamurug, sang melaksana kawangdeyang, tur pekardinyane kapuceh, saka sang ngalugrahin kadandha manut pangargan beras adasa kg maweweh ngawentenang upacara panyangaskara pabersihan.
- 9) Yen wenten macihna anak wiyadin sang sapisira hugi, katedunan utawi kepangluh sajroning pura kahyangan sawawengkoning desa pakraman bebayu mebabawos minangkenang pangandikan Ida ratu sasuhunang utawi Bhatara, ring gelis tunasang tirta laluputan mangda gelis hudep. Pirade sesampun kaketisin tirtha kantun ngatemel masera-masero, ngawetuung sumandeya kayun pemaksane, irika patut pintonin, indika mintonin, ambilang toya apane, celebang limanyane makakalih. Yan mabukthi tan belus, nyandang gega pangandikan Bhatara. Yan pade belus, tan nyandang gega, gelisang gingsirang genahang mangda doh saking pura punika.

## KAPING 5

### INDIK CUNTAKA SOSOT

#### Pawos 33

- 1). Sang Sapisira hugi krama desa, sane kahanang cuntaka, tan wenang ngeranjing ke pura kahyangan, ka panyucian kalaning sunyi gening, minakadi genah salwiring genah sane kinucap suci pingit. Tan wenang ngaryaning saji salwiring saji sane pacang katur kasanggar tawang, sekadi suci gening, minakadi banten salwir ipun sane

jaga katur kapura, miwah sane katur ring pitra pindha. Mungging banten sane pacang katur ka prajapati, dalem panguluning setra, dados karyanin ring umah sang cuncaka kalaning ngupakara sawa.

2). Lwir sarte kinucap cuntaka :

ha. Anak istri kalaning ngrajaswala, suwen cuntakane, saking ngawit ngraja swala, kantos nyat, mahcihna sampun malukat.

na. Sang nganten lanang istri suwene cuntaka, ngawit saking rahina pangantenang wiyadin rahina marangkate, kantos puput mabiyakawon, saha samayut prayascita malukat matirtha.

ca. Rama rena cuntaka sangkaning madruwe oka, sane lanang cuntaka suwene saking mbas anake alit, kantos kepus hodel nyane raris malukat. Sane istri pinaka rena, cuntaka petang dasa kalih dine saking wahu mbas rarene.

ra. Yan anak istri cuntaka sangkaning karoron, pateh ring cuntake ngembasang oka, sane lanang cuntaka tigang rahina, saha sampun malukat.

3). Cuntaka malarapan antuk kasdayan, kapatyan :

ha. Yan wenten anak alit kepus hodel raris seda, rame reramane cuntaka 42 dina.

na. yan sang ngarepin, minakadi sang magenah sajroning karang pomahan sang seda, suwene cuntaka saking wawu seda, kantos puput. Pang lemek karyanne, punapike mapendem, luh yan atitiwa. Macihnyang punah cuntakane antuk marerebu utawi masesapuh manut dresta.

ca. Sang polih ninjo, ngarep sawa, ngamel saha ngarembat saeteh-ete upakara pula palining sawa, cuntaka adine, punah cuntakane macihnyang antuk malukat.

ra. Sebel karang dados margiyang saking ngawit negtegang daging kantos Ida Bhatara masineb.

Wawanengan sebel karang hanning ring sang magenah sajroning karang sane kacuntakan, yan wenten seda dados pacang ngamargiyang sebel karang, patut panyanggran desa, sajaba sang patut tan dados pendem.

ka. Yan sang polih nyembah sawa, mangan paridan sawa, punika taler kabawos cuntaka, suwene cuntaka kantos sasampun husan malukat.

4). Cuntaka sangkaning malaksana mamitra ngalang,

Suwenen cuntaka salamine mamitra ngalang.

5) Anak wetu sangkaning mamitra ngalang, utawi dan pawidhi-widhana pawiwahan, babinjat, punika taler cuntaka, suwene cuntaka, salamine durung wenten meras, wiyadin nuduk ngangkenin piyanak utawi nganggen dadaman.

6). Cuntaka sangkaning mabukti madruwe panyungkan sane tan siddha waras salamine, kadi hangganing hila, buduh, ngawijilang regep saking silit, bhaya, purus, tan henap

- mameres, brung borok tahunan mabanyeh, miwah salwir punika, suwene cuntaka salamine tan waras.
- 7). Cuntaka sangkaning cedangga sane kabaktha saking wawu mbas. Saking garbhawasaning ibu, punika tan kawenang napak palemahan panyucian genah nyuci gening.
  - 8). Yan wenten sinalih tunggal sang cuntaka antuk ngaraksa sawa wiyadin layaon, mamanah utawi mapakayun ngarahuwun karya hayu atiwa-wedana, minakadi mabukti ring sang wenang kabaktinin, dados, nanging tan wenang ngarap, ngarembat, nyuwun, ngamel, saupakaran puspa lingga.
  - 9). Yan wenten sinalih tunggal krama desa durung tutug cuntaka kadi lucaping harep, mamurug larangan, yan wenten ngatengahang ke desa, prajuru desa niwakang pamidandha, yogya sang mamurug marisudha saka bawatan manut panglokika.
  - 10). Yan wenten sinalih tunggal anak istri, sangkaning tan meha ngrajaswala sesampun ring pura, wiadin ring genah larangane sawosan, raris kacirenan, wenangya newakin dandha tan meha, yogya marisudha genag punika, katululung antuk pamaksan pura wiyadin pangemonga sowang.
  - 11). Yan wenten sinalih tunggal krama desa, kacuntakan antuk ngraksa sawa, wiyadin layon, napkala pagilih pagentosang ngaci-aci ring sinalih tunggal kahyangan desa pacaruan ring desa. sadurung teteg sengker cuntakanya, wenang tan tedun mayahan, tan diupsan, nanging yan wenten pasadok sang cuntaka ring prejuru desa. Yan wus tutug cuntakane, patut naregteg yan kari ngelantur patedune munggwing. munggwing piturunan, mawijilan daging saluiripun, yogya katalur manutang pangarga.
  - 12). Yan cuntaka gamia gamana, prajuru desa nyantosang pamutus sang arnawa rat. Yan wenten pamutus saking amawa bhumi, ring desa katiwakan danda kadi ring sor puniki luire : mangde mrayascita raga, genah malaksane, kahyangan desa, miwah desa pakraman. Prade yan sang katiwakan pamidenda mamandal, sang mamandal kebawosan ring desa, kicchen pamutus antuk prajuru desa, manut pamutus peraren desa.
  - 13). Cuntaka sangkaning mabukti salah timpal, cuntaka ragam sang malaksana miwah desa pagenahannya. Tutug cuntakanya yan sampun sang melaksana mrayascita penyagas raga, genah melaksana, desane mrayascita desa. Buron sane ngangge somah kapademang tur katanem.
  - 14). Anak luh beling tan kapariangken antuk lanange, swene cuntaka kantos wenten pangupakara pangaskara kulawisudha, anake istri beling mawidhi-widhana pawiwahan masanding keris pinaka linggan sang kadalih.
  - 15). Anak luh beling tan kapariangken, suwene cuntaka kantos lekad rarene, saha wenten pangupakara kulawisudha.

16. Yan wenten anak mabukti nyolong semara, cuntaka pateh ring cuntaka gamya gamana.

#### Pawos 34

1. Indik sosot

ha. Yan wenten sinalih tunggal pacang nahur sosot wiyadin punagi, saluiring punagi, gumanti sane patut ngangge pamegat sot, tan dados nahur sot yan tan kalaning dina piodalan Bhatara. Ngadasa dinayang naci-aci, sang pacang nahur punagi patut sampun masadok ring pamangku pura, yan ring kahyangan desa panahurane, masadok ring pamangku desa miwah prajuru desa. Panahuran punagi ika, wawu kalaksanayang yan sampun puput pangodale.

na. Yan wenten sinalih tunggal nahur sesangi pacang ngaturang pangodal, ugi mangde ring dina pangantosan piodalanne. Sang nahur punagi, wenang nunas kanti patulung karya ring pamaksan pura. Sang nahur sesangi nyuksrhang daging cemek saprabeyaning pangodal ring pamaksan pura.

ca. Yan wenten sinalih tunggal nahur sesangi maturan swaran tangguran saluiring tatabuan, sasolahan, minakadi saluir ipun, mungguing prabaya punika sami kahangganin antuk sang masasangi.

2. Haturan :

Yan wenten sang sapasira hugi ngaturang jinah, muwang sarupaning barang, punika sami patut kahumadikayang antuk prajuru desa, kliyang pamaksan pura sowang-sowang, mangde kasiddhan mapwara hayu aturan punika kaunggahang sajeroning lekita.

3. Sesarin canang :

Sesampun puput pangaci-aci pujawaline, sesarin canang punika kapupulang saha kawilangin, antuk prajuru desa, kliyang pura, indik titiwak kalih pemargin ipun, sangkaning jati nirmala.

#### Palet 2

### INDIK RSI YADNYA

#### Pawos 35

1. Krama desa bebayu yogya ngawreddhiyang kapradnyanan, kaultaman Sang Hyang Aji, asewaka nunas pawarah ring sang maraga widagdha pradnyan, pingajeng ring sang kasinanggeh guru loka.
2. Prajuru desa, kliyang banjar, ngutsahayang kawredihyan kauruhan kaultaman sang hyang aji, ngawentenang pasamuhan-pasamuhan, parembugan, pinaka genah krama desa memangguhang pawarah-warah hayu.

3. Kalaning dewasa hayu, wenang desa matirtayatra, wenang desa ngaturang puniya miwah resi bhojana ring ida sulinggih taler kalaning karya utama, ring desa, saluwiring karya sane kaputus antuk ida sulinggih patut ngaturang puniya. Asapunika taler ring sang mapitulung patut maweh dana.
4. Sang sâpasira hugi krama desa bebayu yan mapakayun pacang mapodgala, taler mangde wenten pasadok pamihuning ring prajuru desa, sajabe patut polih palugrahan saleng guru wisesa.
5. Prajuru desa bebayu memuat pisan, yan kramedesane mapuniya ring sang pradnyan, ring sang widagdha, ring sang satata ngrajegang dharma, ping hajeng ring ida sulinggih pasuryan nyane sowang-sowang.

### PALET 3

#### INDIK PITRA YADNYA

##### Pawos 36

1. Pamargi ngupakara sawa, hugi manut linging satra agama hindhu, wenten makudang-kudang soroh, sekadi hinucap ring sor puniki :
  - ha. Mapendhem ring prathiwi
  - na. Makingsan ring geni
  - ca. Atiwa-atiwa, utawi pelebon utawi ngaben.
  - ra. Yan rare durung makupak huntu, uas kepus hodel hantukan, wenang ngangge pangentas bangbang masadhana klungah klapa gading, ngaran ngalungah, tan wenang tiniwaken
  - ka. Yan rare durung kepus hodel hantaka, pamali ngaran, pendhem juga tan hana pangupakarannya, kawala ganten utawi hadem paican ida sulinggih.
2. Salwiring upacara atiwa-atiwa, palebon ngaben, ring setra hugi kawenangannya, tan wenang ring desa pakraman. Yan wenten mamurug, wenang dandha warisudha desa. Krama desa sang atatulung dandha gung artha manut pararem desa.
3. Yan wenten krama desa ngurug sawa, macamana mabresih kawenangannya, tan kalugra lintangan ring asasih ngawit saking sedane. Yogya murnama tilem, miwah saluiring upacara rerahinan, yan kalaning angurung sawa, sajeroning desa pakraman bebayu kawangunang karya agung kantos nyuci gening, luire malabuh gentuh.
4. Tan wenang nyekeh sawa yan tan macawana, mebresih tumpangsalu lintangan ring roras dina. Ngawit saking dinane seda, yan wenten mamurug dandha gung artha manut pararem desa saha mryascita desa.
5. Sang sapa sira hugi krama desa Bebayu tan wenang atitiwa, rikala pangaci-aci desa lwire : Patirtan, papatoyan, batara turun kabeh, yan piodalan ring pura puseh, pura

bale agung, miwah Pure Dalem saking hyang dinayang aci kantos batara puput masineb.

6. Yan wenten krama mendem sawa kalaning dina malarang, kawasa, nanging hugi masawen, durung magagumuk, laku kinsan ngaran sasampun polih lughraha saking prajuru desa.
7. Yan makingsan ring geni, sawa gineseng, hasti hinayut, manut krama yogya nganggen tirta pabersihan, mungging dewasa sasoripun dewasane dados marginin mendem sawa.
8. Yan wenten sawa tan kaparihangken ring wawengkon Desa Pekraman Bebayu hingaranan bedaga desa, wenang pendem ring setra pangilang-ngilangin sasampun polih lughraha saking sang amawerat.
9. Yan sawa sangkaning salah pati, angulah pati, mati kapangawan minekadi salwiripun. desa tan ngalarangin, yan sawa punika tiwiwaken pramangke. sara ledang sang madruwe, minekadi sulinggih sane pacang muput.
10. Yan wenten sinalih tunggal sawa genahe seda wiyadin padem sajahaning karang pomahan lwire : ring tegal, ring carik, pura, pasar, banjar, sekolah minekadi genah sawosan dudu karang pomahan yogya sang madruwe wirange mryascita marisudha genah punika, yan sawa tan kaparihanken, genah punika patut kaparisudha ka prascita antuk sang madruwe hemponan.
11. Sakewaneng ngangge setra muang dalem sahaning krama desa Bebayu sane sareng saketurunan ring banjar utawi desa Pakraman Bebayu.
12. yan wenten saking iriki desa pekraman bebayu magenah ring dura desa tan nyarengin pe ayah-ayah seurah-arit wenang ngangge setra muwang dalem nanging keni petiga samaan akehipun 100 kg beras.
13. Yan wenten saking iriki desa pakraman bebayu ring dura desa jagi ngawangun karya pitra yadnya polih genah setra dalem nanging keni beras 50 kg.

#### 1. INDIK PADEWASAN

- ha. yening wenten krama desa pekraman sane maduwe kaptiyan patut masadok ring kliang desa Bebayu.
  - na. Padewasan mendem ring Pratiwi utawi makinsan ring geni, wenang katiwakang antuk prajuru desa pakraman.
  - ca. Patawasan atiwa-tiwa, katiwakang antuk ida sulinggih sane pacang muput, yogya sampun kapatut antuk prajuru desa.
2. Indik larangan ngupakara sawa, sajaba ngunggahang katumpang salu, sane kamanggehang sajroning desa. Pakraman Bebayu lwire : Bude wage, saniscara Kliwon, Anggara kliwon, Redite umanis, sukra pon, Saniscara wage, redite kliwon,

ika semut sadulur, sukra kliwon, saniscara umanis, redite paing ika kala gotongan, yan ring dora, muwah ring tanggal panglong ping 15, tanggal panglong ping 14, muwah tanggal panglong ping 1, wraspati nuju tanggal panglong ping 1, 8. yan ring wrespati ingkel wong awuku, yan wenten mamurug danda manut pararem desa.

3. Mendem sawa tan kadadosang ritakala wenten krama desa pekraman sane nanging sawa utawi ngebet, nanging makinsan kadadosang.
4. sang sapa sira hugi jagi mendem utawi atiwa-tiwa sajroning setra pekraman bebayu lintang adiri kalaning dewasa tunggil mangda sinarengan yan wenten mamurug, danda manut parerm saha mryascita desa.

#### **Pawos 37**

##### **INDIK ANGATWA WEDHANA**

1. Sang sapa sira hugi krama desa Bebayu yan kalaning angkatwa wedhana, lwire : ngaroras, patileman, baligia, tan wenang ngawangunang payadnyan petak ring palemahan Pura Kahyangan desa, minekadi kahyangan siwosan.
2. Sang sapa sira hugi wus ngawangun karya angkatwa wedhana, yogya karang payadnyan punika pralina, akesepipun petang dasa kalih dina saking dina karyane.

#### **PALET 4**

##### **INDIK MANUSA YADNYA**

#### **Pawos 38**

1. Sang sapa sira hugi krama desa bebayu ngewangunang salwiring upacara manusa yadnya, tan wenang magenah ring wawidangan palemahan kahyangan panyiwian desa, yan wenten sinalih tunggal mamurug wenang dandha gung artha manut pangangan beras 25 kg saha mryascita marisudha pura punika.
2. sane kalugra mawinten magenah ring pura sinalih tunggal, sang sapa sira hugi krama desa sane pacang kahadegang dados pemangku, pinaka jan bangul batara ring pura Kahyangan hinucap, taler sane kahadegang pinaka prajuru desa, wenang mawinten majaya-jaya ring pura puseh desa pakraman Bebayu.
3. indik manusa yadnya sane dados kamargiang sajroning desa pekraman Bebayu hugi sane nganutin dresta kuna minekadi sastra agama.

#### **PALET 5**

##### **INDIK BUTA YADNYA**

#### **Pawos 39**

1. Sajroning desa pekraman Bebayu pacaruan manut hungguan, kalih sor singgih lwire :

- ha. pacaruan desa sandikala, ring catur pata utawi ring pampatan agung kala dina tilem sasih kasanga, caru manca sanak kamargiang setunggil amasa.
- na. pacaruan desa padgatakala, rikala kagate kabrebean, kagringan, kadurmanggalan, katiben panca baya miwah sane siwosan sane patut carunin.
- ca. Agung alit caru manut unggwan pacaru, babwatan pacaruan, kalih nista madya utamaning caru.
2. Pacaruan ring pura-pura kahyangan, pamrajan, dadia salwire manut drestan pura saowang-sowang minekadi awig-awig gagaduhan pura hinucap.
3. yan sinalih tunggal Pura Kahyangan salwire reneng pengodale kantos tigang plabuh wenang prajuru desa mamaosin, yan wus puput bebawose, yogya maguru piduka ngawit masesapuh, mangda kesidhan ngaturang pangaci-aci.

**SAT SARGAH**  
**SUKERTA TATA PAWONGAN**  
**PALET 1**  
**INDIK RANGKAT**  
**Pawos 40**

1. Indik rangkat punika manut desa kala patra mwanng sana dresta sane kapatutang tur katinutin antuk krama desa sowang-sowang tan singsal ring uger-uger panagara lwire:
- ha. Papadikan
- na. Ngarorod
- ca. Ngunggahin
2. Sajroning desa pakraman bebayu indik rangkat ika yang sampun mawidhi-widhana pawiwahan sanistanya mabyakawon tur malukat, saha kasaksinin antuk prajuru desa, rangkat punika kasinanggeh puput palikrama.
3. Yan wenten anak ustri krama desa Bebayu, karangkatang antuk sang sapasira hugi kua antuk anak saking dura desa yan kantos arahina ring awengi saking dina patinggale saking jumlah tan wenten pejati, yogya sang madruwe wirange nunas kanti ring prajuru desa Bebayu, mangda engmargiang sasrepan. Yan sampun sinah genahnya ngraris ka margiang panegdeg, tan kawasa makta sahananing sanjata saha nunas kanti ring sang amawa rat.
4. Sang sapasira hugi krama desa bebayu yen karauhan tamiyu peraya masinutan malarapan antuk ngarorod, hugi mangda masodok mihuningang ring prajuru desa. Prajuru desa yogya maritetes, yan sangkaning tan patut pamargin rangkatnya, prajuru desa nguduhang mangda katur ring sang amawa-rat, yen wenten mamurug yogya sang mamurug danda manut pararem.



5. Yan sinalih tunggal krama desa Bebayu ngamet anak istri antuk mlegandang, mamendet, marikosa, miwah salwiripun tan sangkaning samidemen tan yogya pinupat widhi-widhana pawiwahannya sadurung wenten pamutus saking guru wisesa.
6. Yan wenen sinalih tunggal saking dura desa, pacang muput rangkat kawewengkon desa pakraman bebayu, sang madruwe wirang luh, yogya nunas pesaksi ring prajuru desa Bebayu, sinalih tunggal mangde wenten ngarahuhin.
7. Yan wenten sinalih tunggal krama desa Bebayu ngamet anak istri pinaka rabi tan manut siwa dresta minakadi sastra agama, yogya katur ring sang amawa rat mangda kabawosan saha polih pamutus.

## PALET 2

### INDIK BLAS MAKURENAN UTAWI NYADNYAN

#### Pawos 41

1. Sane kabawos nyapian, punika sang palas marabi, palas makurenan sane sampun katiwakan pamutus antuk guru wisesa, minakadi sampun kakrabang ring sangkepan desa Bebayu.
2. Yan wenten sinalih tunggal krama desa, ngarangkatang sapiyan punika keni danda pakerang gung artha manut pararem desa.
3. Krama desa sane belas marabi utawi makurenan sesampun polih pamutus saking guru wisesa patut masadok ring banjar, ring desa, akesepipun asasih saking palase.
4. Yan wenten anak istri wit saking wawengkon desa pekraman Bebayu, nyapian mawali ka karang deha, yogya sang madruwe wirang matur supeksa ring Prajuru desa, saha mryascita marisudha anake luh punika. Yan tan kaparisudha antuk wirangnya, patut marisudha raga mangda kasidhan nirmala.

## PALET 3

### INDIK BALU

#### Pawos 42

1. Sane kabawos balu, anak istri katinggal seda antuk rabine, yan anak lanang seda rabine katinggal nyapian taler kawastanin balu.
2. Yan wenten sinalih tunggal krama lanang wyadin istri balu nanging madruwe oka lanang utawi istri ring sampune mayusa 16 tahun / tamat SMP manut dresta keni paayah-ayah miwah wawijilan manut kawenangannya.
3. Yan wenten anak istri balu kandugi marangkat, yogya rangkat punika kapuputang antuk wirang lakine rihin, yan babalon punika kari pageh.
4. Mungging wawenangan babalon luh utawi rangda ring indik wawarisan minekadi sane sawos-sawosan nganutin uger-uger sane karajegang antuk guru wisesa.

## PALET 4

### INDIK SENTANA

#### Pawos 43

1. Sajroning desa pekraman Bebyau ngarajegang pidabdab santana kapurusa sidikara tunggal, paperasan tunggal dadia, tunggal sidikara, santana rajeg.
2. Sang sapisira hugi sinalih tunggal krama desa Bebyau meras sentana makedihang utawi nyerahang raga, yogya sangkkaning radin, tunggal sidikara, tunggal dadia saha polih palugrahan saking guru wisesa kasiarang ring desa.
3. Santana rajeg inggih punika prasintana wadon utawi pradana sane ngamanggehang lanang utawi purusa.
4. Sang sane kaharsayang santana rajeg hinucap inggih punika :
  - ha. Sampun kamanggehang dados prasantana purusa.
  - na. Sang sane ngamanggehang santana rajeg patut masadok ring prajuru desa mangda kadamyakang ring desa.
5. Indik meras santana, ngadegang sentana rajeg, makedihang utawi nyukserahang raga, sasampun sangkaning radin, yogya kadulurin antuk upacara manut sastra agama Hindu, sakabwatan sowang, sinaksinan ring prajuru desa bebyau, tur kasiarang ring desa, saha kapikukuhin antuk lekita sang amawa rat.

## PALET 5

### INDIK WAWARISAN

#### Pawos 44

1. Lwire sane wenang warisin :
  - ha. Hamong-hamongan ring desa, ayah-ayahan seurah-arih
  - na. Hutang-piutang sang ngawarisin
  - ca. Saraje druwe, barana, tegal, carik tatamyang, sakancan kasugihan.
2. Sane wenang ngawarisin :
  - ha. Manut lalintih paprenahan edoh tampek saking purusa tunggal sidikara, tunggal dadia.
  - na. Putra dadawon utawi putra paperasan.
  - ca. Santana rajeg.
3. Sang sapa sira hugi krama desa bebyau, yan tilar saking agama hindu, santana rajeg kesah mawiwaha, prati santana purusa, ngarangkat kejeburin sowang-sowang kabawos ninggal kedaton, tan yogya ngawaris sane kawulan patut warisin.
4. Ngedum warisan, kapatut pinih sor sasampun puput mahabenang sang ngawarising brana kalih kasugihan punika, sane dados dum, sajaba mengge pedagingan pangaci-

aci minekadi salwire sane mangge piranti ngalaksananya ng upacara agama, pustaka-pustaka sane kapingitang salwiripun.

**SAT TAMAS SARGAH  
WICARA LAN PAMINDANDA**

**PALET 1  
INDIK WICARA**

**Pawos 45**

1. Salwiring wicara indik pabrawan ring wawidangan desa pekraman Bebayu wenang rimawosan antuk prajuru desa, yan tan pasidan, prajuru desa ngaturang ring guru wisesa. Katunasang tatimbang majeng ring prajuru desa pekraman kesimpar.
2. Yan wenten wicara indik pakraman ring banjar, pamaksan, subak minekadi sekehe-sekehe sawosan, yogya kabawosan antuk prajurunya sowang, yan tan kasidan puput, wenang katengahang ka desa, prajuru desa yogya mamawosin.
3. Yan pamutus wicara sane katiwakang antuk prajuru desa Pakraman Bebayu tan katinutin utawi tan kahiring antuk sang mawicara, wenang sang mawicara nunasang pangrawos ring sang patut mamawosin ring guru wisesa.
4. Yan sang mawicara taler tan tinut ring pamutus wicara sane katikawang hinucap ring hajeng, prasida sang mawicara tan polih panyanggran minekadi tan dados nganggen sapadruwen desa, kantos puput wicaranya desane mamandal ring desa.

**PALET 2  
INDIK PAMIDANDA**

**Pawos 46**

1. Lwir pamidanda sane wenang katiwakang antuk prajuru desa, banjar Pakraman, pamaksan, sekehe-sekehe sawosan, sawewengkon desa pekraman Bebayu sekadi ring sor puniki :
  - ha. Dandha artha
  - na. Upasaksi, dewa saksi, pangrarata, sumpah
  - ca. Dandha panyangaskara lwire : mryascita, marisudha, miwah salwireipun.
  - ra. Kasepekang, kaheladang
  - ka. pamidhanda sawosan manut palugrahan guru wisesa.
2. Patiwak pamidanda manut hunggwan wicarane sowang-sowang minekadi werat ring wicara hinucap lwire :
  - ha. yan wicara ring desa pakraman, yogya kapidanda antuk desa, mungging dadandan mantuk ka desa.

sowang nanging dagingipun tan yogya singsal tungkas ring awig-awig desa Pakraman Bebayu.

4. Salwiring sane durung munggah ring awig-awig puniki, ka hungguhing sajroning paswara, pamutus pasamuhan desa Pakraman Bebayu.
5. Dresta kuna sane kari dados angge, yan tan tungkas ring daging awig-awig desa Pakraman Bebayu manut sajroning sastra Agama Hindu, manut ring huger-huger negara saha kaputusan paruman desa Pakraman Bebayu.
6. Awig-awig desa pakraman bebayu pawangun krama desa pakrama bebayu kapustika manut upacara agama hindu kala dina ..... sasih ..... tanggal utawi panglong ..... rah ..... tenggek ..... isaka ..... magenah ring Pura Puseh Bebayu, kapuput antuk Ida Sulinggih ..... saking Griya .....
7. Awig-awig puniki kalingga tanganin antuk prajuru desa lwire : kliang Desa, Penyarikan, Juru raksa. Kasaksinin antuk Kliang Banjar, Prabekel desa labasari, Camat Abang, Kakukuhang antuk Bupati Karangasem.
8. Awig-awig punika kalaksanayang ngawit dina ..... kantos salanturipun.
9. Lwir sang malingga tangan :

PRAJURU DESA PAKRAMAN BEBAYU

KELIAW DESA PAKRAMAN BEBAYU



PENYARIKAN

*(Signature)*  
( I MADE RAI )

JURU RAKSA

*(Signature)*  
( I MADE DIKSA )

MAKA SAKSI

KLIANG BANJAR DINAS

BEBAYU  
*(Signature)*  
( I NYONGAH KARI )

PREBEKEL

LABA SARI  
*(Signature)*  
( I NYONGAH ASIH. ST )

PERINTAH KABUPATEN ABANG  
KECAMATAN ABANG  
*(Signature)*  
( I B. PUTRI SWASTIKA S.Sos )

Kalekitayang ring Kantor Bupati Karangasem

Duk rahina :

Tanggal masehi :

Register nomer :

BUPATI KARANGASEM

( \_\_\_\_\_ )